

護命放生軌儀法

唐三藏法師義淨譯

夫以懷生者皆愛其生上通賢智有死者咸  
畏其死下洎蜚蟲由是善逝隨事而修慈不  
損舍識量內身而准物刀杖不加唯以大悲  
標宣揚法化於護生處極致慇懃是佛弟子理  
九應隨作觀蟲濾水是出家之要儀見危存護  
乃悲中之拯急既知有蟲律文令作放生器  
者但爲西國久行人皆共解東夏先來未識  
故亦須委其儀若不具陳無由曉悟其器任

用銅鐵瓦木瓦即安鼻鐵木准成若擬隨身  
將去可用銅作唯受二升三升即是舊來小  
銅罐子還施銅系令穿手得過底傍一邊須  
安銅鈕可受小拇指頭若乞食去時穿在左  
臂以衣掩蓋右手携鉢乞食得已隨至一家  
安置飯鉢自將淨繩一條如麤筋許隨井深  
淺繫罐取水濾以小羅斟酌得足即以繩一  
頭穿鈕急繫擡系等繫小鐵鉤鉤系起時務  
令平穩此並預先作了不得臨時求覓即以  
小羅覆蟲罐內徐徐放下至水縱鉤拔繩令

覆再三下罐方牽出井此是乞食之儀也或用銅碗漆碗穿孔著系權用亦得若在寺者即以常用鐵罐覆之如前安置少有別處底傍著鐵環可容三指以罐鉤內中擡起系等同前著鉤覆蟲在中放使至水假令深井亦得爲之若別畜繩恐成勞擾若井深處或可別爲盆貯或可送往河池寫水竟時還須滌器斯其法也濾羅樣式如別處言之豈容井口之上翻羅元無放生之器欲似護戒寧顧蟲亡但以如來聖教慈悲爲本所制戒律罪

有性遮遮則准事合輕性乃理應從重性罪之內殺生最初是故智人特宜存護若將此爲輕者更復何有重哉若能依教作者現在得長命果報來世當生淨土且神州之地四百餘城出家之人動有萬計於濾水事存心者寡習俗生常見輕佛教不可一一聞到口十傳冀諸行人遞相教習設使學通三藏坐證四禪鎮想無生澄心空理若不護命依教奉持終亦不免佛所訶責十惡初罪誰代受之且如見有屠兒牽羊入寺不過數口放作長

生衆共聚看彈指稱善寧知房內用水日殺  
 千生萬生既知理教不輕宜應細羅細察自  
 利利物善護善思復有令人耕田種植規求  
 小利不見大尤水陸俱傷殺生無數斯之罪  
 咎欲如之何直如束手泉門任他處分故經  
 云殺生之人當墮地獄餓鬼畜生設得爲人  
 短命多病嗚呼此苦誰當受之脫有能爲善  
 哉甚善可謂釋迦末法共結慈念之因彌勒  
 初成俱證無生之果廣如別傳此不煩云  
 護命放生軌儀法

三法同卷

音釋

齧五結切 漱蘇奏切 磬磬苦定切 欬欬逆氣  
 聲咬也 衰毛切 蹲但尊切 奧奧楚語  
 大日欬 云方便與於 欬去奇 屣履屬 斟職  
 切革府移切 瀘良倨切 鐺楚庚切 暨於共  
 之若切 深切 若切 酌切 瀘也 鐺耳足金也 暨切

桓十

十一